

ՀԻՆ ԵՎ ՄԻՋՆԱԴԱՐՅԱՆ ՀԱՅԱՍՏԱՆՈՒՄ ՏԱՐԱԾՎԱԾ ԴՐԱՄՆԵՐԻ ՀԻՄՆԱԿԱՆ ԽՄԲԵՐԸ

Խ. Ա. ՄՈՒՇԵՂՅԱՆ

Վերջին երեսուն տարիների ընթացքում թանգարանները մեծապես հա-
յրաստացել են տարբեր ժամանակների պատկանող մետաղե դրամներով 71
դրամական գանձերով, որոնց քննությունը հնարավորություն է ընձեռում դա-
տելու հեն ու միջնադարյան Հայաստանի դրամական շրջանառության մա-
սին, ուրվագծելու նրա զարգացման հիմնական փուլերը սկսած հելլենիստա-
կան դարաշրջանից մինչև Կիլիկիայի հայկական պետության անկման տա-
րիները:

Ելնելով դրամագիտական փառներից, կարելի է նշել, որ Հայաստանում
հայտնաբերված վաղագույն մետաղե դրամները վերաբերում են մ. թ. ա. VI—
V դդ.: Դրանք հատուկենտ նմուշներով պահպանված միլետյան, ատտիկյան
և աթենյան կշռային սիստեմներին պատկանող արծաթե դրամներ են: Պե-
տականորեն երաշխավորված որոշակի կշռային չափերով թողարկվող մետա-
ղե դրամների շրջանառությունը, որ ծայր էր առել Փոքր Ասիայի և Հունաս-
տանի վաճառահաճ քաղաքներում մ. թ. ա. VII դարի սկզբին, մոտ երկու
հարյուր տարվա ուղացումով է դիտվում հայկական կյանքում: Աթենյան-
ների տիրակալության տակ գտնվող Հայաստանում ապրանքափոխանակու-
թյունը դեռևս կատարվում էր բնատուր ձևով, և դրամական շրջանառությունը
նոր-նոր էր սկսվում: Վերջինիս աստիճանական զարգացումը դիտվում է հել-
լենիստական դարաշրջանում: Մակեդոնական շրջանի արծաթե դրամների
պլուտերը պատմական Հայաստանի ողջ տարածքի վրա վկայում են այդ իրո-
ղության մասին: Հայաստանում գտնված՝ հելլենիզմի վաղ ժամանակներին
վերաբերող Ալեքսանդր Մակեդոնացու և Փիլիպոս Արիդայոսի դրամները նշում
են միջազգային առևտրի այն կենտրոնները (Բաբելոն, Միլետ, Կարդիա,
Մազնեզիա, Կոլոֆոն և այլն), որոնց հետ առնչված են եղել հայկական շր-
ջանները:

Մ. թ. ա. IV դարի վերջին Հայաստանի և հարևան երկրների ապրանքա-
շրջանառությունը կատարվել է առավելապես ատտիկյան դրամա-կշռային
սիստեմի սկզբունքով, որ լայն ճանաչում էր գտել միջազգային շուկայում:
Այդ սիստեմի հիմնական միավորը 4,36 գրամ օրինական քաշով արծաթե
դրամն էր: Ոսկե դրամները շրջանառության մեջ չատ քիչ են եղել: Առևտու-
րը կատարվել է առավելապես արծաթե դրախմաներով և տետրադրախմա-
ներով (չորեքդրամյաններ): Ոսկու և արծաթի փոխանակությունը միջազգա-
յին շուկայում դրսևորվել էր 1:10 հարաբերությամբ:

Հայաստանի դրամական տնտեսության փոփոխությունները կատարվում
էին առավելապես արտաքին առևտրի շնորհիվ: Ներքին շուկային բնորոշ
ուղնձե դրամների շրջանառությունը դեռևս չէր սկսվել: Հետագայում, մ. թ. ա.

III դարի վերջերից և հատկապես II դարի սկզբից դրամական շրջանառության զարգացումը դիտվում է սելևկյան, պարթևական և Հռոմի հանրապետական արժաթ դրամների տարածմամբ: Այս ժամանակներում շրջանառության մեջ են մտնում նաև հայկական ծագում ունեցող դրամները: Դրանք իրենց հունատառ արձանագրություններով, արքայական ու դիցական պատկերներով և միավորների կշռային չափերով բնորոշ են հելլենիստական աշխարհին և յուրահատուկ տեղ են դրավում Արևելքի հելլենիստական դրամների շարքում: Հայկական դրամների այդ անդրանիկ օրինակները թողարկվել են Մոփքի հայոց թագավորության կողմից, մ. թ. ա. II դարի սկզբին: Նեփազան դրամ կտրելու իրավունքը վկայում է քաղաքական անկախության մասին, սակայն հայտնի է, որ այդ իրավունքը եղել է խիստ տահմանափակ: Այս շրջանի հայկական դրամները պղնձից էին և միջազգային գործարքներում հանդես գալ չէին կարող: Նրանց դրվագումը կատարվել է, ամենայն հավանականությամբ, Արշամաշատ և Արկաթիակերտ քաղաքներում, որոնք Միջագետքից ու Փոքր Ասիայից Իլիան տանող ճանապարհների վրա միջազգային ապրանքափոխանակության նշանակալից կենտրոններ են եղել: Այդ վաղ հայկական դրամների սակավությունը թույլ չի տալիս պարզել մի շարք հարցեր, կապված նրանց դասակարգման, ժամանակագրության և շրջանառության հետ:

Հին Հայաստանի դրամական շրջանառության զգալի ընդլայնումը կատարվել է Արտաշեսյանների հաստատման ու հզորացման տարիներին: Երկրի դրամական տնտեսությունը այդ ժամանակներում թևակոխել էր իր զարգացման նոր փուլը, որը բնորոշվում է մի կողմից պարթևական ու հռոմեական (հանրապետության), մյուս կողմից՝ բուն հայկական ծագում ունեցող դրամների առավել լայն տարածմամբ: Արտաշեսյան առաջին դահակալները թողարկել են պղնձե դրամներ, որոնք, ինչպես և Մոփքի թագավորության դրամները, ունեցել են լուկ տեղական նշանակություն: Սակայն այդ նշանակությունը ձևական չէր, այլ ներքին շուկայի պահանջից բխած էական իրողություն, քանի որ դրամի գործառնությունը արդեն գրանցվել էր երկրի ներքին շուկայի ոլորտում: Արտաշեսյան դրամները իրենց վրա ունեն արքայական ու դիցական պատկերներ և հունարեն արձանագրություններ: Այդ դրամները միջազգային ճանաչում են գտել միայն Տիգրան II-ի և մասամբ նրա հաջորդ Արտավազդի դահակալության տարիներին, երբ զգալիորեն ընդլայնվել էին Հայաստանի միջազգային կապերը: Տիգրան II-ի օրոք հայկական դրամների դրվագումը կատարվում էր ինչպես Սիրիայում, այնպես էլ բուն Հայաստանում: Սիրիական վաճառաշահ քաղաքներից Անտիոքը և Դամասկոսը, որոնք հնուց ի վեր ապրանքափոխանակության միջազգային կենտրոններ էին, մ. թ. ա. I դարի 80-ական թթ. դարձել էին նաև հայկական արծաթե ու պղնձե դրամների թողարկման կենտրոններ: Շրջանառության մեջ տարածված են եղել այստեղ թողարկված Տիգրան II-ի պատկերով արծաթե շորեր-դրամյանները:

Հայաստանի նոր մայրաքաղաքի՝ Տիգրանակերտի հիմնադրման առաջին իսկ օրերից նրանում գործել է Տիգրանի տիրակալության փողերանոցը, որի թողարկմամբ առատորեն շրջանառության մեջ են մտել արծաթե դրամներ: Իրանց վրա հայոց միասլետը ներկայացվել է «Արքայից արքա» տիտղոսով: Արևելքին բնորոշ արքայական այդ տիտղոսով և Տիգրան II-ի պատկերով

դրամներ թողարկվել են նաև Արտաշեսյանների հին մայրաքաղաքում՝ Արտաշատում, որը Արարատյան դաշտում միջազգային ապրանքափոխանակության մի կարևոր կենտրոն էր, ուր ապրանքներով բեռնավորված քարավաններ էին ժամանում տարբեր երկրներից: Այդ են վկայում քաղաքի միջնաբերդի հնագիտական պեղումների ժամանակ հայտնաբերված ինչպես տեղական, այնպես էլ օտար երկրներից բերված դրամները:

Իրենց կշռային չափերով Տիգրան II-ի դրամները անփոփոխ պահպանել են ատտիկյան սիստեմի սկզբունքները: Տարածված են եղել առավելապես Հայաստանում թողարկված դրամները և սիրիական տետրադրամները: Ներքին առուծախի համար թողարկվել են պղնձե դրամների երկու, մեկ, կես և քառորդ միավորները:

Տիգրան II-ը և նրա անմիջական հաջորդները դրամների վրա պատկերվել են Արևմուտքի գահակալների նման առանց մորուրի, ածիլված երեսով, բայց այնպիսի թագով, որով անմիջապես ճանաչելի են դարձել: Արևելքի և Արևմուտքի հելլենիստական միապետներից ոչ մեկը այդպիսի թագով հանդես չէր եկել. այն ստեղծվել էր Արտաշեսյանների օրոք և լայնորեն հայտնի դարձել «հայկական թագ» անունով:

Տիգրան II-ի գահակալության տարիներին առաջին անգամ դրամների վրա պատկերվել է երկրին և պետությանը հովանավորող աստվածուհու կերպարը: Նա ներկայացվել է իբրև մայր դիցուհի, բրգաձև թագը գլխին, գետի սփին բարձրության վրա նստած, արմավենու ճյուղը ձեռքին: Այդ կերպարանքը, որպես քաղաքամայր դիցուհու պատկերացում, հայտնի էր քահուկագործության մեջ, բայց դրամների վրա պետական խորհրդանշան դարձավ Տիգրան II-ի օրոք և այնուհետև ամբողջությամբ կամ մասնակի ընդօրինակվեց ինքնավարություն նվաճած քաղաքների կողմից:

Բացի մայր աստվածության կերպարից, որը հայերի մոտ կապված էր Անահիտի պաշտամունքի հետ, դրամների վրա դրոշմվում էին նաև տվյալ ժամանակներին բնորոշ բնապաշտական այլ հասկացությունների պատկերներ:

Համեմատաբար քիչ են պահպանվել Տիգրան II-ի գահաժառանգ Արտավազդի և նրա անմիջական հաջորդների դրամներից, որոնք միջազգային շրջանառություն չեն ունեցել, իսկ վերջին Արտաշեսյանների օրոք խիստ սահմանափակվել և ապա բոլորովին դադարել է հայկական դրամների թողարկումը:

Միջազգային շուկայում լայն տարածում ստացած հռոմեական արծաթի դրամները վերջին Արտաշեսյանների օրոք բացարձակ առավելություն էին ձեռք բերել Հայաստանի դրամական տնտեսության մեջ և նրանց ազդեցությունը, պատկերագրության առումով, դիտվում է տեղական կերտվածքի վրա: Օկտավիանոս-Տիգրան, Օկտավիանոս-Արտավազդ դրամներն ըստ էության հռոմեա-հայկական դրամներ են:

Հռոմեական արծաթի դրամներն իրենց կշռային չափերով գործնականում հավասարազոր էին ատտիկյան սկզբունքով թողարկված պարթևական, կապադովկիական և հայկական դրամներին: Վերջիններիս հետ փոխանակությունը առանձին դժվարություն չէր հարուցում: Շրջանառության մեջ նվազող հելլենիստական արծաթե դրամների փոխարեն, արդեն մ. թ. ա. I դարի վերջերին Հռոմի հանրապետական դրամների հետ Հայաստան են թափան-
Ց Հանդես, № 1

ցում նաև կայսրության շրջանի արժաթ դրամները, որոնց վիճակվեց ավելի քան երկու հարյուր տարի իշխել միջազգային շուկայում: Հայաստանի քաղաքական վիճակի մասին՝ մ. թ. ա. I դարի վերջին տարիներից մինչև պարթևների անկման տարիները, սլատմում են Հռոմի կայսերական դրամները, ինչպես շրջանառության, այնպես էլ հայ-հռոմեական ռազմա-քաղաքական իրադարձությունների արտացոլման տեսակետից:

Հարկ է նշել, որ չնայած արտաշեսյան դրամների թողարկումը I դարի սկզբին արդեն դադարել էր, բայց նրանց շրջանառությունը չէր վերացել: անցյալում թողարկված հայկական, ինչպես նաև տարբեր ծագման հելլենիստական դրամները շարունակում էին սպասարկել երկրի ներքին ու արտաքին առևտրի պահանջները: Սակայն բեկումն արդեն կատարվել էր, և Հայաստանի դրամական շրջանառությունը թևակոխել էր իր վարդապետանոց փուլը, որը բնորոշվում էր Հռոմի կայսերական դրամների հարստնուն տարածմամբ: Սելևկյան, կապադովկիական, արտաշեսյան, ինչպես նաև Հռոմի հանրապետական դրամները սպառվում էին, մինչդեռ նոր թողարկման (կայսերական Հռոմի) դրամները առատորեն տարածվում էին հայկական շուկաներում: Միաժամանակ միջազգային առևտրի բնագավառում արդեն ետ էր մղվել նախկինում բնորոշված ատտիկյան սիստեմը, չնայած Արևելքում այն հարստեց մինչև III դարի սկիզբը:

Ի տարբերություն հանրապետական Հռոմի, կայսրության ժամանակաշրջանում ոսկե դրամներ թողարկվում էին առավել նշանակալից շափերով: Ոսկե դրամների հիմնական միավորը կոչվում էր սուրենուս, որը 8,19 գրամ օրինական քաշ ուներ. մեկ ֆունտ ոսկուց (327,45 գրամ) հատում էին 40 աուրենուս: Շրջանառության մեջ հիմնական միավորը հռոմեական արծաթ դրամն էր, որը կոչվում էր դենար (լատիներեն deni — «տասնյակ» բառից): Վաղ կայսերական Հռոմի դենարը պարունակում էր ֆունտի 1/84 մասը, այսինքն՝ 3,90 գրամ արծաթ: Ոսկու և արծաթի փոխանակությունը դրսևորվում էր մոտ 1:12 հարաբերությամբ: Ներքին շուկայի մանր առևտրի համար թողարկում էին պղնձի և արծաթի խառնուրդով, մեկ ունցիա (27,30 գրամ) քաշ ունեցող, ինչպես նաև վերջինիս ստորաբաժանումները կազմող դրամական մանր միավորներ: Արծաթի և պղնձի փոխանակությունը որոշ տատանումներով նշվում էր 1:45 հարաբերությամբ:

Կայսրության կողմից թողարկվում էին նաև Հայաստանին վերաբերող ոսկե, արծաթե ու պղնձե դրամներ, որոնց պատկերազրությունը հաղորդում էր Հայաստանի պարտված կամ կախյալ քաղաքական վիճակը: Այդ տիպի դրամներով ու շքադրամներով կայսրությունը նպատակ ուներ տարածել հռոմեական պետության փառքը և դրանով իսկ հնազանդության մեջ պահել նվաճված երկրների ժողովուրդներին:

Հայաստանին վերաբերող հռոմեական ծագում ունեցող դրամներն ու շքադրամները դանդաղապես թողարկվում չեն ունեցել և հայկական քաղաքներում լայնորեն տարածված չեն եղել: Հայաստանում վաղ կայսերական շրջանի դրամներից հայտնի են եղել Օկտավիանոս Օգոստոսի և նրա երկու որդեգիրների՝ Գայուսի և Լուցիուսի պատկերներով արծաթե դրամները, որոնք վկայում են հռոմեական դրամների նոր հոսանքը Արտաշեսյանների անկման և Արշակունիների հաստատման տարիներին: Դրանք ի հայտ են եկել Հայաստանի, Ադրիանի ու Վրաստանի ողջ տարածքի վրա: Բացառված չէ, որ

Յկտավիանոս Օգոստոսի և նրա որդեգիրների պատկերներով արծաթ դրամները թողարկվել են ու շրջանառության մեջ մտել ոչ միայն Հռոմի եվրոպական տիրույթներում, այլև Արևելքում:

Հռոմեական կայսրության վաղ շրջանի այդ դրամները թափանցել են հայկական շուկաները միջազգային առևտրի այն ուղիներով, որոնցով շրջանառության մեջ էին մտել անցյալում հելլենիստական և Հռոմի հանրապետական դրամները: Սիրիայի ու Միջագետքի շուկաներից ապրանքափոխանակությունը բերում էր նրանց Արաքսի հովիտը և այնուհետև Կուրի ավազանով տանում Վրաստան ու Աղվանք: Արծաթե բարձրորակ այդ դրամները միջազգային շուկայում վստահություն էին շահել և ճանաչվում էին իբրև սմեռական դրամական միավորները: Հետագայում դրանց ընդօրինակություններ հանդես եկան տեղական կերտվածքի դրամներ:

Հայաստանում վաղ կայսերական այդ դրամների տարածման հետ միաժամանակ շրջանառության մեջ են եղել նաև Պարթև Վոնոն արքայի պատկերով դրամական միավորները: Վերջինների դրվագումը հավանաբար մասամբ կատարվել է նաև Հայաստանում, ուր Վոնոնը Հռոմի կողմից թագավոր էր հաստատվել մ. թ. 8—16 թթ.: Մակայն Վոնոնի դրամները և տետրագոսիաները լայն տարածում չեն ունեցել, Հռոմի կայսերական դրամների համեմատ դրանք շատ քիչ են եղել:

Սահմանափակ թողարկում և աննշան տարածում են ունեցել նաև Վոնոնին Հայոց գահի վրա փոխարինող Արտաշես-Ջենսնի (18—34 թթ.) դրամները, որոնք հատուկենտ նմուշներով հայտնի են թանգարանային ժողովածուներից: Դրանք շրջանառության համար բնորոշ չեն եղել և կարող են դնահատվել իբրև հալ-հռոմեական հարաբերություններին վերաբերող առանձին վկայություններ: Այդուհանդերձ որոշակի է, որ Հայաստանի դրամական շրջանառությունը I դարի սկզբին շարունակել է կատարվել հիմնականում հռոմեական դրամներով, առևտրական գործարքները իրականացվում էին առավելապես հռոմեական դենարներով: Պարթևական դրամները շրջանառության մեջ գրեթե աննկատ էին դարձել: Ուշագրավ է, որ 62 թ. Հռոմի կայսրությունը Ներոնի ռեֆորմով նվազեցրել էր արծաթ դենարի քաշը և այն սահմանել ֆունտի 1/96 մասը, այսինքն դարձրել մոտ 3,40 գրամ: Նվազել էր նաև արծաթի պարունակությունը հռոմեական արծաթ դրամի մեջ, կազմելով 55—65 տոկոս: Կայսրության հետևեցողության այդ դրամները թափանցել են Հայաստան Արշակունիների հաստատման ժամանակներում: Հայաստանի Արշակունի գահակալները իրենց սեփական դրամները չեն ունեցել, դրամի թողարկման իրավունքը վերապահված է եղել Արշակունյաց ավագ տոհմին՝ Իրանի Պարթևաց թագավորությանը:

Հայ Արշակունիների տիրակալության վաղ ժամանակներում միջազգային առևտրի բնրումով հայկական քաղաքներ են թափանցել Վեսպասիանոսի, Տիտոսի, Դոմիցիանոսի պատկերներով Հռոմի կայսերական դենարները: Նախապատվությունը տրվել է նախառեֆորմյան, Օկտավիանոս Օգոստոսի՝ արծաթի բարձր պարունակություն ունեցող դրամներին: Արդեն II դարում հայկական շուկաներում տարածում են գտել Տրայանոսի, Հադրիանոսի, Անտոնինոս Պիոսի, Մարկոս Ավրելիոսի և Լուկիոս Վերոսի պատկերներով հռոմեական արծաթե դրամները, իսկ պարթևական դրամներ Հայաստանի II դարի դանձերի կազմում չեն արձանագրված: Երևան են դալիս հռոմեական պղնձե՝

շքադրամներ, թողարկված II դարի նշանավոր ռադմա-քաղաքական իրադարձությունների առթիվ: Այդ շքադրամները, ինչպես դրանց նախորդները, ունեցել են ցուցադրական նշանակություն, որոնց պատկերագրությունից երևում է Հռոմի բացահայտ միջամտությունը Հայաստանի ներքին գործերին: Հայաստանի դրամական շրջանառության համար շքադրամները բնորոշ չեն, դրանք թողարկվել են Հռոմում և մետրոպոլիսից դուրս լայն տարածում չեն ունեցել:

II դարի 60-ական թթ. մինչև III դարի սկիզբը Հայաստանի դրամական շրջանառությունը զարգացել է Հռոմեական կայսրության՝ ընդհանուր պատկերագրություն ունեցող դրամներով, որոնք դալիս էին Հայաստան ինչպես Միջերկրականի արևմուտքից, այնպես էլ Մերձավոր Արևելքի վաճառաշահ կենտրոններից: Այդ է վկայում Գառնի ամրոցի ավերակներում հայտնաբերված կայսերական Հռոմի դրամների դանձր, բաղկացած Վեսպասիանոսի, Տիտոսի, Տրայանոսի, Հադրիանոսի, Ա. Պիոսի, Մ. Ավրելիոսի և Կոմմոդոսի պատկերներով արծաթ դենարներից, որ արտացոլում են Հայաստանի դրամական շրջանառության կալմը II դարի վերջին: Այդ ժամանակներում հռոմեական դրամների տարածումը հասել էր իր առավելագույն չափերին: Հայաստանը, իբրև բուֆերային երկիր Արևելքի և Արևմուտքի միջև, ընդգրկված է եղել հռոմեական դրամներով կատարվող միջազգային ապրանքափոխանակության ոլորտը: Երկրորդ դարի վերջին Արտաշատում զրկագվում են պղնձի դրամներ քաղաքային շուկայի ներքին կարիքների համար: Դրանք շրջանառության մեջ են մտցվել ոչ թե Հռոմի կայսեր կամ Արշակունի հայ թագավորի անունից, այլ մայրաքաղաք Արտաշատի: Այդ իրողությունը թույլ է տալիս ենթադրելու, որ տարանցիկ առևտրի խոշոր կենտրոն հանդիսացող Արտաշատը հավանաբար ինքնավարություն է ունեցել: Արտաշատի դրամը իր պատկերագրությամբ անմիջապես ճանաչելի է դառնում Հռոմի կայսերական դրամների հոծ զանգվածում. քաղաքամայր աստվածուհու դիմաքանդակը, քաղաքի անվան հունատառ արձանագրությունը, հաղթության պսակաբեր դիցուհու կանոնիկ պատկերը և պատկերադրության այլ տարրեր վկայում են հելլենիստական ավանդույթների մասին:

III դարի սկզբից Հայաստան են թափանցում թեթև քաշի հռոմեական արծաթ դրամները, այսպես կոչված «Անտոնինիանները», որոնք թողարկվում էին Կարակալա կայսեր դրամական ռեֆորմից հետո: Արծաթի չնչին պարունակություն ունեցող այդ դրամները Հայաստանի դրամական տնտեսության համար էական նշանակություն չեն ունեցել:

Դրամական շրջանառությունը Հայաստանում III դարի 30-ական թթ. թևակոխել է իր զարգացման հաջորդ փուլը, որը բնորոշվում է երկրում սասանյան դրամա-կշռային սիստեմի հաստատմամբ: Արդեն IV—VII դդ. սասանյան դրամներն ամենալայն տարածում են ստանում Հայաստանում:

Ի տարբերություն Պարթևների, Սասանյանները բոլորովին նոր պատկերագրության դրամներ թողարկեցին Իրանում և վերջինիս ենթակա երկրներում: Նոր դարադրույթ բացվեց Արևելքի դրամագործության մեջ: Սակայն վաղ շրջանի սասանյան դրամները նախապես շատ աննշան քանակ էին կազմում ամենուրեք տարածված հռոմեական դրամների համեմատությամբ: Հետագայում Իրանի հետ կապված հայկական կենտրոններում նրանց տարածումը զնալով տվելի նշանակություն է դառնում: Սասանյանները թողարկում էին ոս-

կե, արծաթե ու պղնձե դրամներ: Ոսկե դրամները սկզբում գրվադրվում էին միջազգային շուկայում իշխող հռոմեական աուրեսի քաշին համապատասխան՝ 8,19 դրամ, սակայն հետագայում նրանց քաշը նվազեց: Սասանյան ոսկե դրամները հազվագյուտ են և Հայաստանում ու հարևան երկրներում դոբժնական նշանակություն չեն ունեցել: Հազվագյուտ են նաև սասանյան պղնձե դրամները: Ամենատարածվածը եղել են արծաթե դրամները, որոնք և շրջանառության մեջ են եղել վաղ միջնադարի հայկական շուկաներում: Սասանյան դրամակշռային սիստեմի հիմնական միավորը հանդիսացել է մոտ շորս դրամ քաշ ունեցող արծաթե դրախման: Ի հակադրություն պղնձի խառնուրդով ուշ պարթևական արծաթ դրամների, Սասանյանները միշտ բարձր են պահել իրենց դրախմայի արժանապատվությունը արծաթի որակի տեսակետից:

Հայաստանում գտնված ամենավաղ սասանյան դրամը վերաբերում է IIf դարի առաջին կեսին: Այն թողարկված է Սասանյանների առաջին գահակալի պատկերով և պաշտամունքային խորհրդանշաններով: Հայտնաբերվել են նաև Արտաշիրի անմիջական հաջորդների օրոք թողարկված դրախմաները:

III դարի վերջին հայկական քաղաքներում խիստ նվազել են անցյալից մնացած պարթևական և հռոմեական (կասերական) դրամները: Շրջանառությունը զարգացել է սասանյան դրամների առավելության: Տարածվել են նաև ուշ հռոմեական շրջանի դրամները, մասնավորապես IV—V դդ. ուշ հռոմեական ոսկե դրամները: Փոխանակությունը ոսկու և արծաթի միջև դիտվում է 1:14 հարաբերությամբ: Սակայն ներքին ու արտաքին առևտրի մեջ առավելապես տարածված էին սասանյան արծաթ դրամները: Այդ առավելությունը բացարձակ է դառնում VI—VII դդ.: Ապրանքափոխանակության շնորհիվ հայկական շուկաներն են մտել Ջեբալում, Խորասանում, Ֆարսում, Խուզիստանում, Սեջստանում և Իրանի այլ նահանգներում թողարկված սասանյան դրախմաներ, որոնք կրում են Սասանյան գահակալների պատկերները և պահլավերեն արձանագրություններ: Այդ դրամները վերաբերում են առավելապես V—VII դդ.: Դրամների տվյալներից երևում է, որ այդ երկու հարյուր տարիները հանդիսանում են հայ-իրանական տնտեսական կապերի լայն տարածման ժամանակաշրջան: Հետաքրքիր է, որ VI դարի վերջերից քաղաքային կյանքի վարդապետան պահանջով սասանյան պատկերազրությունը արծաթ դրամներ թողարկվում են նաև Իրանին ենթակա հայկական քաղաքներում, մասնավորապես Դվինում և Նախճավանում. այդ են վկայում վերջիններիս անունների պահլավերեն գրությունները դրամների վրա:

Սասանյան դրախմաների տարածման հետ մեկտեղ, VI դարի վերջին և VII դարի սկզբին Հայաստան են թափանցել նաև բյուզանդական ոսկե ու արծաթե դրամներ՝ մասնավորապես Հուստինիանոս, Տիբերիոս, Փոկաս և Հերակլես կայսրների ոսկե և Հերակլեսի ու նրա գահաժառանգների արծաթե դրամները: Վերջիններս իրենց քաշով (6,50—6,90 գրամ) մոտ երկու անգամ ծանր էին սասանյան դրախմաներից: Հայաստանում սասանյան և բյուզանդական արծաթ դրամները VII դարում շրջանառության մեջ էին միաժամանակ, և յուրաքանչյուր բյուզանդական արծաթ դրամ (ապուլեո կոչված կրկնակի միլիարենս) փոխանակվում էր սասանյան դրախմայի հետ 1:2 հարաբերությամբ:

VII դարի երկրորդ կեսին դժամական շրջանառությունը Հայաստանում

Ինակոխել է իր զարգացման հաջորդ փուլը, որ բնորոշվում է սասանյան, ինչպես նաև վաղ բյուզանդական դրամների սպառմամբ և արաբատառ դրամների տարածմամբ: Անցումը հին դրամական համակարգից նորին կատարվել է աստիճանաբար: Արաբական իշխանություններն իրենց նվաճած երկրներում սկզբում պահպանել են անցյալում ընդունված դրամակշռային սկզբունքները: Սասանյանների կործանումից հետո նրանց օրոք թողարկված դրամները չընդհանառությունից չեն հանվել: Իրանում և բյուզանդական տիրապետության արևելյան շրջաններում հաստատված արաբական նահանգապետները սկզբնական շրջանում թողարկել են սասանյան և բյուզանդական դրամների ընդօրինակությամբ, սակայն արաբներն զերոսով ոսկե, արծաթե ու պղնձե դրամներ: Այդ, այսպես կոչված արաբ-սասանյան և արաբ-բյուզանդական դրամները Հայաստանի հյուսիս-արևելյան շրջաններում և ընդհանրապես Անդրկովկասում տարածում չեն ունեցել: Հավանական է, որ առանձին դեպքերում դրանք թափանցել են Սիրիային և բյուզանդիային մերձավոր հայկական շուկաները:

VII դարի վերջին խալիֆ Աբդ-ալ-Մելիքի հատուկ ռեֆորմով հիմք է դրվում արաբական ազգային դրամների թողարկմանը: Արաբական խալիֆայությունը ստեղծեց իր դրամակշռային սիստեմը, որը շուրջ երեք հարյուր տարի իշխեց միջազգային ապրանքաշրջանառության մեջ: Միստեմատիկաբար թողարկվում էին արաբական ոսկե, արծաթե ու պղնձե դրամներ: Շրջանառության մեջ հիմնական միավորը դիրհեմ կոչված արծաթ դրամն էր, որի օրինական կշիռը սահմանված էր 2,97 գրամ: Ոսկե դրամները (4,25 գրամ կշռով) թողարկվում էին սահմանափակ չափով: Արաբներն այդ ոսկեդրամը կոչում էին դինար, իսկ հայերը՝ դահեկան: Օմայանների տիրապետության ժամանակներում արաբական ոսկեդրամները թողարկվում էին Սիրիայում, նդիպտոսում և Իսպանիայում:

Հայաստանում և նրա մերձակա շրջաններում վաղ արաբական ոսկե դրամներ չեն գտնվել: Հայաստանում տարածված են եղել արաբական արծաթ դրամները, որ առևտրականները բերում էին Օմայանների տիրակալության կենտրոնական նահանգներից: Հայկական լեռնաշխարհի կենտրոնական և հյուսիս-արևելյան դավառները, հարևան Վրաստանի արևելյան շրջանների ու Աղվանքի հետ միասին մինչև Դերբենդ, խալիֆայության վարչական բաժանմամբ միավորված էին մեկ նահանգի մեջ, որ կոչվում էր Արմինիա: Խալիֆայության դրամական սիստեմի ստեղծումից հետո Օմայանները դրամներ էին թողարկում Դվինում, Թիֆլիսում, Գանձակում, Դերբենդում, ինչպես նաև Արմինիայի մեջ մտնող այլ կենտրոններում: VIII դարի սկզբին, շուրջ հիսուն տարի այդ վաղ արաբական դրամները թողարկվում էին առավելապես ողջ նահանգի՝ Արմինիայի անունով, որի վարչական կենտրոնը Հայաստանի Դվին վաճառաշահ քաղաքն էր: Թողարկվում էին դրամներ արծաթից և պղնձից: Տեղական կերտվածքի դրամներից բացի շրջանառության մեջ էին մեծ մասամբ Իրաքի, Ջադիրայի, Ջեբալի և Ադրբեջանի քաղաքներում դրվադված արծաթե դրամներ, որոնց տարածումը ցույց է տալիս Հայաստանի կապը խալիֆայության հիշյալ նահանգների հետ:

VIII դարի երկրորդ կեսից խալիֆայության ներքին ու արտաքին առևտրի զարգացմանը պուրնթաց ընդլայնվում է Հայաստանի դրամական շրջանառության ոլորտը: Աբբասյանները, որոնց ձեռքն էր անցել տիրակալությունը,

Հայաստանում դրամներ էին դրվագում ավելի զանգվածաբար, քան նրանց նախորդ Օմայանները: Աբբասյան դրամների թողարկումը Հայաստանում նշվում է խալիֆ Ալ-Մանսուրի գահակալության տարիներից (754—775) սկսած: Աբբասյանները չէին փոխել Օմայանների օրոք ստեղծված արաբական դրամա-կշռային սխեման, օմայան դրամները փոխանակվում էին աբբասյան դրամների հետ հավասարապես: Հիմնական միավորը մնում էր դիրհեմ կոչված արծաթ դրամը՝ 2,97 գրամ քաշով: Պղնձե դրամները՝ ֆելսերը, ինչպես անցյալում, թողարկվում էին մանր առուծախի համար և տեղական շուկայի սահմաններից դուրս չէին անցնում: Ժամանակագրական առումով Հայաստանում թողարկված վաղագույն արծաթ դրամը վերաբերում է Հիջրայի 143 (մ. թ. 760—761) թթ.: Աբբասյանները դրամների վրա դրոշմում էին Ղուռանից քաղված կրոնական իմաստի ասույթներ, ինչպես այդ անում էին Օմայանները, բայց ի տարբերություն Օմայանների, իբրև նշանաբան ընտրել էին «Մուհամմեդն Ալլահի առաքյալն է» ասույթը: Սկզբնական շրջանում դրամները թողարկում էին առանց իշխանական անունների, իսկ VIII դարի 60-ական թթ. աբբասյան դրամների վրա արաբերեն «քուֆի» գրելաձևով հիշատակվում էին խալիֆայության դահաժառանգների և նահանգային փոխարքաների անունները:

Արմինիայի աբբասյան դրամների վրա արձանագրված տեղանունները, տարբերվելով և անձնանունները հավաստի վկայություններ են VIII—X դդ. հայ-արաբական հարաբերությունների ժամանակագրության ու պատմության համար: Աբբասյան դրամների թողարկման գլխավոր կենտրոնները Հայաստանում և Աղվանքում շարունակում էին մնալ Դվինն ու Պարտավը, շնայած առանձին դեպքերում դրամներ թողարկվում էին նաև Արմինիայի այլ քաղաքներում: Դրամագյուտերը ցույց են տալիս, որ Հայաստանի դրամական շրջանառության կազմում աբբասյան դրամները բացարձակ առավելության են հասել Բագրատունիների թագավորության տարիներին: IX դարի վերջին և X դարի ընթացքում շրջանառության մեջ գրեթե սպառվել էին խալիֆայության վաղ շրջանին բնորոշ օմայան դրամները: Հայերեն գրերով և կամ հայ իշխանների անուններով դրամներ չէին թողարկվում: Միջազգային ապրանքաշրջանառությունը հայկական շուկաներն էր բերում Աբբասյանների տիրակալության տակ գտնվող Բաղդադում, Մոսուլում, Բասրայում, ալ-Քուֆայում, Տուստեր-Մին-ալ-Ահվազում, ալ-Մուհամմեդայում, Ռաս-ալ-Այնում, Ամիդում, Արդեբիլում, Շիրազում, Սամարղանդում, աշ-Շաշում և շատ այլ քաղաքներում հատված արծաթե դրամներ:

Հայաստանի արտաքին առևտուրը զարգանում էր Արևելյան խալիֆայության արտաքին ու ներքին առևտրի ոլորտում: Աբբասյան արծաթ դրամները Հայաստանում ունեին միջազգային նշանակություն: Ոսկե դրամներ Աբբասյանները Հայաստանում չէին թողարկում և ընդհանրապես ոսկե դրամներն առավելապես հաշվային նշանակություն ունեին: Ոսկու և արծաթի փոխանակությունը IX—X դդ. դրսևորվել էր 1:10, երբեմն 1:14 հարաբերությամբ: Սակայն այդ փոխհարաբերությունը կայուն չէր և մշտապես տատանվում էր՝ նայած շուկայում նրանց գների փոփոխմանը: Հայկական քաղաքներում թողարկված աբբասյան արծաթ դրամները տարածվում էին ընդհուպ մինչև արևելյան և հյուսիսային Եվրոպայի երկրները: Սակայն այդ անցումը կապված էր աբբասյան դրամների միջազգային տարածման հետ, որը հետևանք

էր խալիֆայության արտաքին առևտրի: Արմինիայի քաղաքներում, տեղական շուկայի մանր առուծախների համար շրջանառության մեջ էին տեղական թողարկման աբբասյան պղնձե դրամները:

IX դարի վերջին և X դարում շրջանառության մեջ են մտնում խալիֆայության ներսում առաջացած առանձին էմիրությունների արաբատառ դրամները: Սաջյանները Հայաստանում և Աղվանքում, ինչպես նաև Աղբթջանում թողարկում էին իրենց սեփական ոսկե ու արծաթե դրամները: Դվին, Պարտավ, Մարաղա և Ռեյ քաղաքները հանդիսացել են սաջյան դրամների թողարկման կենտրոնները: Կշռային չափերով և արաբերեն արձանագրությունների ընդհանուր ձևավորմամբ Սաջյան էմիրների դրամները զրեթե չէին տարբերվում աբբասյան դրամներից: X դարի երկրորդ կեսից Հայաստանում շրջանառության մեջ են մտել նաև Սալլարյան էմիրների արծաթե ու ոսկե դրամները: Սակայն Հայաստանի դրամական տնտեսության մեջ իշխող աբբասյան դրամների հոծ գանգվածում սաջյան և սալլարյան դրամները շատ աննշան քանակ են կազմել: Աբբասյան դրամների հետ նրանք ես դուրս են եկել իրենց ծագման վայրերից և անցել հեռավոր շուկաներ: Եվրոպայում գտնված IX—X դդ. դրամական գանձերի կազմում աբբասյան դրամների հետ միասին հանդիպում են նաև սաջյան ու սալլարյան դրամները: Միջազգային առևտուրը խալիֆայության տարբեր երկրամասերից Հայաստան է բերել և տարբեր ուղղություններով Եվրոպա է տարել Աբբասյանների ու նրանց ենթակա էմիրների արծաթե դրամները, որ թողարկված են ոչ միայն Իրաքի, Սիրիայի և Իրանի տնտեսական կենտրոններում, այլև հայկական քաղաքներում: Այդ են վկայում Եվրոպայում գտնված դրամական գանձերը:

X դարի վերջին և հատկապես XI դարում դրամական շրջանառությունը Հայաստանում թեև կոխել էր իր զարգացման նոր փուլը, որ բնորոշվում է յիարժեք արծաթ դրամների աստիճանական սպառմամբ: Բաղրատունիների անկման տարիներին արտաքին առևտրի շնորհիվ Արևելքի երկրներից առատորեն Հայաստան եկող արծաթ դրամների հոսանքը խիստ նվազել էր: XI դարի սկզբից Միջին Ասիայից մինչև Փոքր Ասիա ձգվող երկրներում դադարել էին արծաթե դրամներ թողարկել: Դա տևում է շուրջ երկու հարյուր տարի: Հայաստանում արծաթի պակասը դիտվում է նախ և առաջ շեղադրյալ դրամներից, որոնք արծաթի չնչին պարունակության դրամներ էին և XI դարում տարածված էին Աղվանքում ու Հայաստանի հյուսիս-արևելյան կողմերում: Պատրաստված լինելով վատորակ արծաթից, շեղադրյալ դրամները միջազգային առևտրում լայն ընդունելություն չունեին և ներքին շուկայի սահմաններից դուրս չէին տնցնում:

Հայաստանում և այլ երկրներում X դարի վերջից ու տավելիապես X դարում լայն տարածում են ունեցել բյուզանդական ոսկե ու պղնձե դրամները, որոնց առավելությունը արծաթի սուղության պայմաններում բիմետալիզմ էր դրսևորել դրամական տնտեսության մեջ: Դրամագլուխները վկայում են, որ Հայաստանում և հարևան երկրներում XI դարում ամենատարածված դրամները բյուզանդական ոսկե և պղնձե դրամներն են եղել:

Արծաթի պակասությունը XI դարում որոշակի էր դարձել նաև Բյուզանդական կայսրության մեջ: Հայաստանում և հարևան երկրներում բյուզանդական արծաթ դրամներ չեն գտնվել: Հայտնաբերված ոսկե դրամները դուրս են եկել Կոստանդնուպոլիս քաղաքից: Հայաստանում առատորեն հայտնաբեր-

ված XI դարի պղնձե դրամները, որոնք նախատեսված են եղել ներքին շուկայի համար, իրենց վրա կրում են Քրիստոսի պատկերը: Բացառված չէ, որ դրանք թողարկվել են առևտրի հայկական կենտրոններում, երբ Բագրատունիների անկումից հետո իշխանությունը անցել էր կալսրության ձեռքը: Այդ են վկայում Անի և Դվին քաղաքների պեղումների ժամանակ հայտնաբերված XI դարի պղնձե բյուզանդական դրամները: Շիրակում և Այրարատում համարյա ամենուրեք հայտնաբերված են XI դարի անտարեթիվ և անանուն պղնձե դրամներ՝ Քրիստոսի պատկերով: Պատկերադրության առումով դրանք քրիստոնեական Արևելքում ընդունված դրամներ էին: XI դարի երկրորդ կեսին Տաշիր-Ձորայեցի Բագրատունյաց ճյուղի փոքրիկ թագավորությունը բյուզանդական այդ դրամների ընդօրինակությամբ, Քրիստոսի պատկերով, բայց հայերեն գրերով պղնձե դրամներ թողարկեց, որոնք յուրահատուկ տեղ են գրավում միջնադարյան Հայաստանի դրամական շրջանառության կազմում: Հայերեն գրերով այդ դրամների թողարկումը ունեցել է տեղական նշանակություն, դրանք կոչված չէին շուկայի նեղ սահմաններից դուրս շնչանալու:

XII դարի սկզբից Հայաստանում ամենալայն տարածում էին ստացել սելջուկյան ծագում ունեցող պղնձե դրամները, իսկ ասորախափոխականության արտաքին գործարքներում շարունակում էին իշխել Բյուզանդական կալսրության ոսկե դրամները: Սելջուկյան արշավանքների վաղ ժամանակներից նկատվող արծաթի պակասը («արծաթի ճգնաժամ»), որի պատճառները լիտություն կողմից դեռևս լրիվ բացահայտված չեն, Հայաստանում իր դրսևորումն է գտել XII դարում, երբ երկրի հյուսիս-արևելյան շրջաններում տարածված են եղել բացառապես պղնձե իլդեգիզյան ու այնուհետև պղնձե վրացական դրամները: Հայաստանի հարավ-արևմտյան մասերում արծաթե դրամների փոխարեն ընդունվել են պղնձե օրտուկյան, գենգյան, դանիշմենդյան, մենդուջյան, սելջուկյան ծագման և վարկային նշանակություն ունեցող այլ դրամներ: Իլդեգիզյան տարածքները և վրաց Բագրատունի զահակալները XII դարում թողարկել են բացառապես պղնձադրամներ: Հայաստանում հայտնաբերված իլդեգիզյան և վրացական պղնձե դրամները նույնպես վարկային նշանակության դրամներ են եղել: Նրանք առատորեն հայտնաբերվել են Շիրակում ու Այրարատում, և դա խոսում է Ադրբեջանի ու Վրաստանի հետ Հայաստանի դաժնացած առևտրի մասին: Բացառված չէ, որ Դվին քաղաքը առանձին զնայրերում եղել է իլդեգիզյան դրամների թողարկման կենտրոններից մեկը: հյուսիս-արևելյան Հայաստանում: Հարավային և Արևմտյան Հայաստանում սելջուկյան պղնձե դրամներ թողարկվել են Սեբաստիա, Մալաթիա, Երզնկա, Սարգիս, Խլաթ, Մանազկերտ և այլ քաղաքներում:

XII դարի վերջին և հատկապես XIII դարի սկզբին ընդլայնվում է վրաց թագավորության պղնձե դրամների տարածումը Հայաստանի հյուսիս-արևելյան կողմերում: Իրանք առավելապես Թամար թագուհու զահակալության տարիներին թողարկված վրացերեն և արաբերեն արձանագրություններով պղնձադրամներ էին, որոնք շրջանառության մեջ անմիջապես ձանաչելի էին դառնում իրենց վրա ունեցած Բագրատունյաց տոհմական նշանով: XIII դարի առաջին կեսին հայկական քաղաքներում տարածված վրաց դրամների վերջին խումբը Ռուսուդան թագուհու պղնձե դրամներն էին, որոնք շրջանառության մեջ էին գտնվում իլդեգիզյան վերջին պղնձե դրամների հետ միասին: XIII դարի սկզբին Հայաստանում և հարևան երկրներում արդեն ավարտվել էր

«արծաթի ձգնաժամը», և Մերձավոր Արևելքի պետությունները կրկին «կսել էին թողարկել լիարժեք արծաթ դրամներ»:

XIII դարի 30-ական թթ. հայկական շուկաներ էին թափանցում մի կողմից Փոքր Ասիայի սելջուկյան, մյուս կողմից՝ Արևելքը նվաճող մոնղոլական իշխանությունների դրամները: Հայաստանում գտնված մոնղոլական ծագում ունեցող վաղագույն արծաթ դրամները վերաբերում են 1232—1233 թթ.: Դրանք նախապես առանց իշխանական անունների արծաթ դիրհեմներ էին, թողարկված Չինգիզ խանի գահաժառանգի՝ Ուգեդեյի ինքնակալության տարիներին: Իրանում, Վրաստանում և Աղվանքում: Մոնղոլական արծաթ դրամների առարածամբ դրամական շրջանառությունը Հայաստանում թևակոխում է իր զարգացման մի այլ փուլը:

Առևտրում վաղ մոնղոլական շրջանի արծաթ դրամները բարձր էին հնարահատվում, փոխանակությունը ոսկու և արծաթի միջև հաշվվում էր մոտ 1:7 հարաբերությամբ: Դրամական միավորների անվանումները չէին փոխվել: Նախիջաղության ժամանակներից միջազգային ճանաչում գտած դենար, դիրհեմ և ֆելս անունները ոսկե, արծաթե ու պղնձե դրամների համար պահպանվել էին նույն հասկացություններով: Բացի թեթև քաշի պղնձե դրամներից, թողարկում էին նրանց կրկնակի կշիռով դրամներ, որոնք կոչվում էին «դանգ»: Մինչև XIII դարի երկրորդ կեսը միջազգային շրջանառության մեջ մոնղոլական ծագում ունեցող արծաթ դրամները հանդես էին գալիս Սեբաստիայում, Կոնիայում և Կեսարիայում թողարկված դիրհեմների հետ միասին:

Սալայն հետագայում սելջուկյան արծաթ դրամները նվազում են և արդեն XIII դարի ավարտին Հայաստանի դրամական տնտեսության մեջ առավելությունը բացահայտորեն անցնում է Իրանի մոնղոլական խանների կողմից թողարկված դրամներին: Հայն տարածում էին ստացել Մանգու խանի և նրա եղբոր՝ Հուլաղուի դրամները, ինչպես նաև այդ տարիներին թողարկված, աշտուրերեն արձանագրության դրոշմով մոնղոլական անանուն դրամները: Աբաղա խանի իշխանության տարիներին հայկական քաղաքներում թողարկվել են էրիստոնեական իմաստի հայերեն արձանագրություններով պղնձադրամներ, ըստ որում դրանց վրա կային նաև արաբերեն և ուլղուրերեն արձանագրություններ: Թողարկվել են նաև արծաթ դրամներ, որոնց վրա արաբատառ Յանուճ Խոբ և Բեղույ և Բեգույն սերոյ ասաուծոյ միաձին բառերից բացի կա նաև ուլղուրերեն արձանագրություն: Սակայն արծաթի լիարժեք պարունակություն ունեցող այդ դրամները երկար շրջանառություն չունեցան: XIII դարի վերջին տարիներին Հուլաղույանների դրամական տնտեսությունը սակավացել էր: Սաքուր ոսկուց և արծաթից դրամների թողարկումը մի որոշ ժամանակ կանգ առավ: Հատուկ հրամանով, հիջրայի 693 (մ. թ. 1293-94) թ. նախաձեռնվեց թղթադրամների թողարկումը, որը, սակայն, վաղանցուկ եղավ: XIV դարի սկզբին Ղաղան Մահմուդ խանի հրամանով Հուլաղույանները սահմանեցին նոր դրամակշռային սիստեմ, որի հիմնական միավորը համարվեց 2,145 դրամ արծաթի օրինական քաշով դիրհեմը: Հանդես եկան դրամական նոր միավորներ, ոսկու գծով «դադանի» և արծաթի գծով՝ «միրի» անուններով: Փոխանակությունը ոսկու և արծաթի միջև կատարվում էր 1:12 հարաբերությամբ: Թողարկվում էին նաև երեք մոխալ կշռով արծաթ դրամներ, որոնք կոչվում էին արծաթ դինար: Երեք արծաթ դինար «միրի» կոչվող ամենախոշոր արծաթ դրամական միավորն էր: Ապրանքափոխանակության գործարքնե-

յում հանդես էր եկել «թուման» կոչվող հաշվային միավորը, որ հավասար է 10.000 արծաթ դինարի: Ղազան Մահմուդի ռեֆորմով սահմանված դրամները թողարկվում էին Հուլաղույանների տիրապետության տակ գտնվող բազմաթիվ քաղաքներում, այդ թվում նաև Անի, Գառնի, Պարոտա, Նախճավան, Խոսի, Արճեշ, Կարին, Երզնկա, Սեբաստիա և այլ քաղաքներում: Սակայն Ղազան Մահմուդի ռեֆորմով սահմանված կշռային չափերը կայունություն չունեցան, արծաթ դրամի կշիռը գնալով խիստ նվազեց, և արդեն 1336 թ. այն թողարկվում էր 1,43 գրամ միջին քաշով: Ներքին շուկայի դարգացման պահանջով Անի քաղաքում ղրվաղում էին նաև պղնձե դրամներ: XIV դարի կեսին արծաթ դրամի կշիռը նվազելով հասավ մոտ կես գրամի: Արծաթի սուղությունը դրամագործության մեջ բացահայտ էր դարձել: Ինչպես Հայաստանում թողարկված, այնպես էլ արտաքին առևտրի շնորհիվ հայկական շուկաները թափանած XIV դարի վերջի արծաթ դրամները թեթև քաշի դիրհամներ են, որոնք թույլ են տալիս հետևել երկրի միջադպային կապերի հիմնական ուղղություններին: Հուլաղույանների ու նրանց անմիջական հաջորդների ժամանակներում Հայաստանում հայկական դրամներ չեն թողարկվել:

Հայկական դրամների թողարկումը Կիլիկիայում սկսվել է դեռևս Ռուբինյանների նախաթագավորական ժամանակներում և առավելապես վերջին իշխան Լևոնի օրոք: Դրանք եղել են պղնձե դրամներ, որոնց վրա հալերեն գրված արձանագրվել են Ռուբինյան իշխանների անունները և խաչի նշանը: Լևոնին հայոց թագավոր օծելու տարվանից՝ 1198 թ., Կիլիկիայի Հայաստանում սկսվել է մեսրոպատառ դրամների կանոնավոր թողարկումը և նրանց շրջանառությունը: Թողարկվել են ոսկե, արծաթե ու պղնձե դրամներ: Կիլիկիայի հայկական դրամներից ներկայումս թանգարաններում առկա են հաղարամոր նմուշներ: Դրանց ամենամեծ բաժինը շրջանառության մեջ է մտել Լևոն I-ի թագավորության տարիներին (1198—1219): Թողարկվել են առավելապես արծաթե ու պղնձե դրամներ: Ոսկե դրամները հազվագյուտ են և հայկական տնտեսության համար բնորոշ չեն: Հիմնական միավորը հանդիսացել է 2,7—2,8 գրամ միջին քաշով բարձրորակ արծաթ դրամը, որը թողարկվել է մասսայաբար: Կշռային այդ չափը համապատասխանում էր միջազգային շուկայում տարածված արևելյան դիրհեմի իրական քաշին: Բուն Հայաստանում Կիլիկիայի հայկական պետության դրամները շրջանառության մեջ չեն եղել: Հայաստանում և հարևան երկրներում կիլիկյան դրամներ կամ դրամական գանձեր չեն գտնվել: Կիլիկյան դրամներ հայտնաբերվել են Սիրիայում, Եգիպտոսում, Հարավային Եվրոպայի երկրներում:

ОСНОВНЫЕ ГРУППЫ МОНЕТ, РАСПРОСТРАНЕННЫХ В ДРЕВНЕЙ И СРЕДНЕВЕКОВОЙ АРМЕНИИ

Х. А. МУШЕГЯН

(Резюме)

Наиболее ранние монеты, найденные в Армении, относятся к V в. до н. э. Они чрезвычайно редки и не могут характеризовать историю денежного обращения в стране. В конце IV в. до н. э. появляются греческие монеты, знаменующие установление в Армении аттической денежно-весовой системы.

К концу III в. до н. э. в западных областях Армянского нагорья, через которые проходили магистральные пути международной торговли, появились первые армянские монеты с портретами армянских царей Софены. С конца II в. до н. э. в армянские города поступают монеты Селевкидов, Аршакидов, царей Каппадокии, а также республиканского Рима. Ареал обращения собственно армянских монет расширяется с конца 80-х гг. I в. до н. э. В сфере международной торговли армянские монеты I в. до н. э. принимались наряду с римскими, парфянскими и другими монетами эллинистического мира. Серебряные монеты Тиграна II выпускались как в Армении, так и в Сирии, составляя самую многочисленную группу среди армянских монет эпохи эллинизма. Со второй половины I в. до н. э. выпуск армянских монет уменьшается и в дальнейшем прекращается.

При первых армянских Аршакидах (I—II вв. н. э.) широкое распространение получили римские монеты общемперского типа. Но уже в следующие столетия римская денежно-весовая система в Армении теряет свое главенствующее значение. После падения Парфянского царства основной денежной единицей в Армении стала сасанидская драхма. С начала V века благодаря международной торговле, кроме сасанидских драхм, в города Армении проникают византийские золотые и серебряные монеты. С конца VI века налаживается местное монетное дело. В обращение поступают сасанидские драхмы, чеканенные в городах Двин, Партав, Нахчаван.

Переход от сасанидской денежно-весовой системы к арабской совершился в Армении на рубеже VII—VIII вв. С этого времени начинается период распространения куфических монет. Кроме монет местной чеканки, в города Армении проникали дирхемы из Сирии, Ирака, Фарса и Хузистана. Массовый выпуск аббасидских монет в Армении и в Кавказской Албании наблюдается с конца VIII века. До середины X века денежное обращение Армении развивалось в сфере внутренней и внешней торговли Арабского халифата.

С конца X в. и особенно в XI в. изменяется состав денежного обращения страны. Активную роль играли медные и золотые византийские монеты. В конце XI века серебро почти совершенно исчезает из денежного обращения. В северных областях Армении обращались медные монеты атабеков Азербайджана и Багратидов Грузии. В юго-западных же краях Армянского нагорья в обращении были медные монеты Ортукидов, Зенгидов, сельджуков Ирака, Эюбидов, Данишмендидов, Салдукидов, Бектимуридов и др. В тридцатых годах XIII в. отмечается конец «серебряного кризиса». В обращение поступают серебряные монеты сельджуков Рума и Чингизидов. Со второй половины XIII в. массовое распространение имели серебряные монеты Хулагуидов.